

太平寰宇記

第三冊

太平筆字記

太平寰宇記卷之七

河南道七

許州

許州

潁川郡今理長社縣

禹貢豫州之域星分房宿二度周爲

許國左氏傳許太嶽之後說者謂炎帝之裔周武

王伐紂所封于此又徙于葉魯昭公九年又遷于

夷今亳州城父縣是也至十三年又自夷還居于

葉十八年又遷于白羽定公六年爲鄭所滅自後

復立爲鄭附庸邑周末爲晉地三卿分晉其地入

韓七國時爲韓魏二國之境秦并爲潁川郡理陽

翟兩漢爲潁川之許縣後漢末曹操迎獻帝自洛
都于許文帝雖云都洛其宮室武庫多在許州卽
今許昌縣也又西魏大統十三年詔遣河南行臺
大都督王思政進據潁川東魏遣將清河王高岳
率眾十萬攻思政思政不與戰岳造高堰引洧水
以攻之十五年城陷水自東北入城思政爲岳所
執卽今長葛縣之長社故城也北齊高澄於此改
立南鄭州周大定元年改爲許州治長社焉隋初
不改大業初州廢又爲潁川郡唐武德四年平王
世充改爲許州領長社長葛許昌繁昌黃臺滎强

臨潁七縣貞觀元年廢黃臺潁強繁昌三縣以洧
州之扶溝鄆陵汝州之襄城嵩州之陽翟北澧之
葉縣來屬十三年改置都督府管許唐陳潁四州
而許州領長社長葛許昌鄆陵扶溝臨潁襄城陽
翟葉九縣十六年罷都督府顯慶二年割陽翟屬
洛州開元四年割葉襄城置仙州二十六年仙州
廢以葉襄城陽翟來屬其年又以葉襄城屬汝州
二十八年又以襄城來屬是歲又以葉屬汝州天
寶元年改爲潁川郡乾元元年復爲許州長慶元
年廢潁州爲鄆城縣來屬本忠武軍節度梁開平

二年改爲匡國軍唐同光元年復舊至皇朝因之

元領縣八

今七

長社 長葛 臨潁 許昌 陽翟 郾城 舞

陽

一縣割出

鄢陵

入開封府

州境

東西一百五十五里 南北二百五里

四至八到

東北至東京二百一十五里

西北至西京三百三十里

西至長安一千二百六十里

東至陳州二百八十里

正南微東至蔡州三百二十里

北至鄭州一百八十里

西南至汝州一百八十里

東南至陳州三百里

西北至河南府三百三十里

戶

唐開元戶一萬九千七百一十七

皇朝戶主萬八千五百四十六客二萬一千九百九十一

風俗

潁川本有夏之國夏人尚忠其弊鄙樸有申韓之餘烈高仕宦好文法人以貪悞爭訟爲俗然漢韓延壽黃霸繼爲郡守先之以敬讓化之以篤厚風教大行

姓氏

潁川郡八姓 陳 荀 鍾 許 庠 于 鮮 于 鮮

人物

賈山

長社人漢孝文時言治亂之道

韓稜

潁川舞陽人實憲威權震天下尚書以下

議欲拜之稱萬歲稜正色曰禮無為臣稱萬歲之制議者皆慙

荀淑

潁川人李膺師

謂之有子八人

或淑之孫二十

鍾皓

長社人

陳

寔

許人

李膺

襄城人客造如登龍門

辛毗

潁川陽翟人魏文帝欲徙冀州

十萬戶實河南毗入

繁休伯

潁川人文才機捷

鍾會

諫帝起毗引其裾

庾峻

鄢陵人長

松表五字司馬景王曰真王佐才也

棗據

長社人

褚彥回

陽翟人

土產

絹

鹿心布

乾柿

黃明膠

長社縣

舊十鄉今五鄉

漢舊縣地屬潁川郡始因社中樹暴

長故縣名長社焉蓋鄭長葛之地春秋隱公五年
宋人伐鄭圍長葛卽此也隋文帝廢郡以縣屬汴
州大業三年改爲潁川縣唐武德四年復爲長社
改屬許州 望烟山無峰岫高岳圍王思政於此
置烽燧因有望烟之號 南北玉山高岳慕容紹
宗圍潁川築此兩山窺望城中 高陽里在州城
西門內道南荀氏家傳荀淑有子八人皆賢其地
舊稱西豪里潁陰令范康曰昔高陽氏有才子八
人荀公亦有才子八人乃改西豪爲高陽里時同

郡陳寔爲太邱長奕葉賢德往詣荀門陳君使元
方爲御季方從後孫子長文尚幼抱之于膝荀使
叔慈應門慈明行酒自餘六龍侍側孫文若猶小
坐之于懷言話三日德星爲之聚太史奏曰五百
里內有賢人集故德星爲之聚因名其里曰德星
鄉今郡城西南故宅是也 犬城鄭公孫射犬城

長箱城東魏行臺清河王高岳率眾圍西魏將
王思政因築此城以車箱爲樓因名長箱城 故
陶城東晉陶侃征杜弼於此屯軍因築此城在今
縣西南 故魯城左傳鄭伯請以泰山之祊易許

田而祀周公卽此城也 狼溝左傳所謂楚子師
于狼淵也 靈泉九州要記云許昌靈井亦曰靈
泉今石砌方正民必禱焉 張騫冢漢武帝使尋
河源封博望侯今郡有冢存 潁水在縣西南三
十里地理志陽乾山潁水所出東至下蔡入淮
德星亭在縣西北一里漢雜事云陳太邱父子相
聚之處 晁錯墓在縣東北二里錯潁川人漢御
史大夫請削諸侯地者郡有冢存 鬪雞臺在縣
東北五里唐開成中廉使杜悰築 荀爽兄弟八
冢在縣東北七里爽本潁川人今地名荀村里名

高陽神道碑存

灌夫冢在縣北三里爲漢將軍

潁川記云潁水清灌氏寧潁水濁灌氏族無何潁
水色變果爲族滅 七星井各方七步俗云汲一
井則餘井水皆動五井在縣東北二里二井在縣
正北二里 潁水經縣西俗謂之勅水源出大驄
大驄山唐元和八年雨水摧其山而出流盪居
人溺死者千餘人

長葛縣

北六十里舊二鄉今九鄉

古鄭邑也春秋謂宋人伐鄭圍

長葛俗亦呼爲長平城漢爲縣屬潁川

沙水爾

雅云過爲洵潁爲沙汝爲潁卽此水也

東偏城

在縣東北五里左傳齊鄭伐許許莊公奔衛齊以
許與鄭鄭伯使許大夫百里奉許叔以居許東偏
又使鄭大夫公孫獲處許西偏今有東西兩城

故潁國城在縣西一里潁侯之國也蓋春秋時長
葛之地宋人伐鄭圍長葛卽此也 縣理長箱城

東魏武定五年清河王岳率眾圍西魏將王思政
于潁川因築此城初以車箱爲樓因名長箱城隋
開皇六年乃于此立縣 長社故城在縣西一里
西魏大統十三年詔遣河南行臺大都督王思政
進據潁川東魏遣將清河王岳率眾十萬圍潁川

思政不與戰岳造堰引洧水以灌城十五年潁川城陷水自東北入城思政爲岳所執卽此城也

鍾繇臺在縣西十里魏東武亭侯鍾繇學書臺在繇故宅中今臺址尙存又有鍾繇冢 陳寔冢在縣西三十五里漢太邱長之冢也陳氏家傳云紀湛已下八十六墓三十六碑並在長葛縣陘山之陽又有廟存

臨潁縣

東南六十里舊七鄉

漢縣屬潁川郡今縣在臨潁皋上

潁水東崖俗謂之臨潁皋其實岡阜也隋大業四年自故城移于今理開皇三年罷郡以縣屬許州

唐建中二年屬潁州貞元二年州廢依前屬許州

臨潁皋東西長五十里卽龍脾岡也嵩高山記

嵩山東南三百里有龍脾其地沃壤可居卽此也

今臨潁縣理在此岡上潁水西北自長社縣界

流入繁昌城魏志文帝行至曲蠡乃爲壇于繁

陽受禪改元曰黃初以潁陰之繁昌亭爲繁昌縣

壇前有二碑一是百官勸進碑一是受禪碑並鍾

繇書于後其碑六字生金論者以爲司馬金行故

曹氏六世也青陵臺水經注云潁水東南流經

青陵亭北白臺按水經注云繁昌縣城內有三

臺此其一也

鮑陽城

鮑音紂

在縣西南四十里古

鮑陽縣也在鮑水之陽故曰鮑陽城 大陵城卽

鄭地也在縣東三十里卽陳蕃爲亭長所辱處

參龍城在縣西四十里卽古參龍氏之邑也昔董

父實甚好龍能求其嗜慾以飲食之龍多歸之舜

賜氏曰參龍參養也及夏孔甲擾于上帝帝降之

乘龍雌雄各一有劉累學擾龍于參龍氏以事孔

甲夏后賜氏曰御龍今汝州魯山縣卽御龍氏邑

又汝州有大龍山並劉累養龍之所 尙書臺卽

魏文受禪有黃鳥銜丹書集于尙書臺卽此也